

Ժողովուրդ

106
(3315)

6 օգոստոսի հինգշաբթի 2026
տպագրության ԺԵ տարի

Ք. Երևան, Արմյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ՌՈՒԲԻՆՅԱՆԻ ԽՈՐՀՐԴԱՐԱՆԸ



Հայաստանի Ազգային ժողովի 9-րդ գումարման ձեռնարկում միայն հերթական խորհրդարանական ցիկլի մեկնարկը չէ: Թեև արտաքինից տեղի ունեցած փոփոխությունները կարող են թվալ տեխնիկական՝ նոր նախագահ, նոր ղեկավար կազմ, հանձնաժողովների վերաբաշխում, իրականում գործընթացը շատ ավելի խորքային է: Ռուբեն Ռուբինյանի ընտրությամբ Նիկոլ Փաշինյանը, ըստ էության, սկսում է իշխանության նոր ճարտարապետության կառուցումը, որտեղ խորհրդարանը պետք է ոչ միայն օրենսդիր մարմին լինի, այլև քաղաքական վերահսկողության նոր հենակետ:

Ռուբեն Ռուբինյանը վերջին տարիներին հանրության համար ասոցացվել է առաջին հերթին արտաքին քաղաքականության, հատկապես հայ-թուրքական հարաբերությունների կարգավորման գործընթացի հետ: Սակայն նրա տեղափոխումը Ազգային ժողովի նախագահի պաշտոն նշանակում է, որ վարչապետը նրան վստահում է արդեն ոչ թե միայն դիվանագիտական, այլև ներքաղաքական կարեւորագույն դեր:

Աժ նախագահի պաշտոնը Հայաստանի քաղաքական համակարգում վաղուց դադարել է բացառապես արարողակարգային լինելուց: Այն դարձել է իշխանության ներսում բալանավորող, երբեմն նաեւ ճգնաժամային իրավիճակներում քաղաքական գործընթացները կառավարող կենտրոններից մեկը: Ռուբինյանի նշանակմամբ Փաշինյանը խորհրդարանի ղեկավարումը հանձնում է այն քաղաքական գործչին, որը համարվում է իր ամենահավատարիմ թիմակիցներից:

Մանրամասները՝ ArmLur.am կայքում

«Ժողովուրդ» օրաթերթի տեղեկություններով՝ կառավարության ներսում տիրում է անորոշ եւ խառնաշփոթ իրավիճակ: Թեև Նիկոլ Փաշինյանը մի շարք նախարարների նշանակել եւ վերանշանակել է իրենց պաշտոններում, իշխանության ներքին շրջանակներում դեռեւս հստակ պատկերացում չունեն, թե ինչ փոփոխություններ են սպասվում առաջիկայում: Մեր աղբյուրների փոխանցմամբ՝ հիմնական անհանգստությունը կապված է վարչապետի աշխատակազմի նախկին ղեկավար Արայիկ Հարությունյանի պաշտոնից հեռանալու հետ: Իշխանական շրջանակներում շրջանառվող տեղեկությունների համաձայն՝ արդեն հանձնարարական կա, որ վարչապետի աշխատակազմի նոր ղեկավար Լիլիթ Մակունցը կառավարության համակարգում պետք է գրեթե ամբողջությամբ՝ մոտ 90 տոկոսով, նոր աշխատակազմ ձեռավորի: «Ժողովուրդ»-ի աղբյուրները նշում են, որ այժմ համակարգում գրեթե բոլորը սպասում են Լիլիթ Մակունցի որոշումներին: Խոսքը վերաբերում է ոչ միայն վարչապետի անմիջական ենթակայության տակ գործող կառույցներին, կոմիտեներին եւ դեպարտամենտներին, այլև վարչապետի աշխատակազմի ներքին ստորաբաժանումների սովորական աշխատակիցներին: Ըստ նույն աղբյուրների՝ պետական կառավարման համակարգում ձեռավորվել է սպասողական մթնոլորտ, եւ շատ պաշտոնյաներ դեռ չեն պատկերացում կշարունակեն իրենց աշխատանքը, թե կհայտնվեն սպասվող կադրային լայնածավալ փոփոխությունների թիրախում:




«Ժողովուրդ» օրաթերթի տեղեկություններով՝ արդեն շուրջ երեք ամիս է, ինչ ընտրությունների օրերին Ռուսաստանից Հայաստան ժամանած Հովհաննես Սահակյանը չի կարողանում վերադառնալ ՌԴ: Մեր աղբյուրների փոխանցմամբ՝ Սահակյանի պաշտպանը նրա նկատմամբ կիրառված դատավարական սահմանափակումների վերաբերյալ բողոք է ներկայացրել վերաքննիչ քրեական դատարան եւ սպասում է դատարանի որոշմանը: Միեւնույն ժամանակ, նախաքննական մարմնում հարուցված քրեական վարույթը փաստացի որեւէ առաջընթաց չի արձանագրում: Հիշեցնենք, որ ընտրությունների օրը «Շանթ» հեռուստաընկերությանը տված հարցազրույցում Հովհաննես Սահակյանը հայտնել էր, որ Մոսկվայից եկել են մասնակցելու քվեարկությանը եւ նույն օրը պատրաստվում են վերադառնալ Ռուսաստան: «Մոսկվայից եկել ենք ընտրենք, երեկոյան 7-ին հետ ենք վերադառնում», - ասել էր նա: Լրագրողի՝ «Նոյն օրը» հարցին ի պատասխան՝ Սահակյանն արձագանքել էր. «Անպայման, որ կարող ա խառնվի վիճակը, էրեխեքի հետ ենք, չմասնք էլի բարդություններին»: Սակայն ավելի ուշ, երբ նա փորձել էր «Զվարթնոց» օդանավակայանից մեկնել Մոսկվա, իրավապահները նրան ձերբակալել էին: Ավելի վաղ ArmLur.am-ի հարցմանն ի պատասխան՝ ՀՀ քննչական կոմիտեից հայտնել էին, որ ստացված առերեւույթ հանցագործության մասին հաղորդման համաձայն՝ Հ. Ս.-ն, ըստ նախնական տվյալների, տեղեկացված լինելով նախապատրաստվող հանցագործության մասին, այդ մասին չի հայտնել ՀՀ իրավասու մարմիններին:

Շարունակությունը՝ ArmLur.am կայքում

Նոր խորհրդարանում իր մանդատը պահպանած եւ կրկին Ազգային ժողովի պատգամավոր դարձած Ազնեսա Խամոյանը հանրությանը հայտնի է իր երկարամյա լրագրողական գործունեությամբ: Նրա ակտիվ քաղաքական կարիերան մեկնարկեց 2021 թվականի հունիսի 20-ին, երբ նա Աժ պատգամավոր ընտրվեց «Հայաստան» կուսակցությունների դաշինքի համապետական ընտրական ցուցակով: Ուսումնասիրելով ընդդիմադիր պատգամավորի պաշտոնական հայտարարագրերը՝ ներկայացնում ենք նրա գույքի, ֆինանսական միջոցների եւ եկամուտների շարժը՝ պաշտոնը ստանձնելու օրվանից մինչեւ 2025 թվականը ներառյալ: 2021 թվականի օգոստոսի 2-ին պատգամավորի պաշտոնը ստանձնելու օրվա դրությամբ ներկայացված հայտարարագրի համաձայն՝ Ազնեսա Խամոյանը համատեղ սեփականության իրավունքով հայտարարագրել է 2016 թվականին գնման եղանակով ձեռք բերված մեկ բնակարան Երևան քաղաքի Ավան վարչական շրջանում: Թեև նա սեփական տրանսպորտային միջոց չի ունեցել, սակայն նշել է, որ 90 եւ ավելի օր փաստացի տիրապետում է 2012 թվականի արտադրության Mazda մակնիշի ավտոմեքենայի: Պաշտոնը ստանձնելիս նրա կանխիկ միջոցները կազմել են 10 միլիոն դրամ եւ 6 հազար եվրո, իսկ եկամուտը եղել է 1 միլիոն 595 հազար 291 դրամ, որը գոյացել է «Շարկ» ՍՊԸ-ից ստացած 1 միլիոն 69 հազար 482 դրամ աշխատավարձից եւ ՊԵԿ-ից ստացված 525 հազար 809 դրամ այլ եկամուտներից:

Մանրամասները՝ ArmLur.am կայքում



ՀԱՐՑԱԶՈՐՈՒՅՑ

«ՈՐԵՎԷ ՊԱՇՏՈՆ ՀԱՎԵՐԺԱԿԱՆ ՉԷ»

ArmLur.am-ը գրուցել է Ազգային ժողովի ՔՊ խմբակցության ղապա-մավոր Տարոն Չախոյանի հետ:

- Պարոն Չախոյան, արդեն տեղեկություններ կան, որ Դուք լինելու եք այն իշխանական պատգամավորը, որը հաճախ սուր ելույթներ է ունենալու, կստեղծի վիճաբանությունների առիթ: Երեկ, կարծես, Ձեր ելույթի ժամանակ իրավիճակը մի պահ լարվեց: Ինչպե՞ս եք տրամադրված: Կա՞մ նման տրամադրվածություն ընդդիմության նկատմամբ:

- Տեսեք, հարցն այն է, որ ես կողմ եմ, որպեսզի իշխանության եւ ընդդիմության միջեւ բանավեճերը տեղի ունենան բարեկրթության սահմաններում: Սակայն դա ամենեւին չի նշանակում, որ ընդդիմությանը չպետք է ասվի այն, ինչ իրականությունն է: Երեկ ես պարզապես բարձրաձայնեմ եմ հարցեր եւ ասել այն, ինչ իրականություն է: Եթե դա ընդդիմության մոտ ջղաձգումներ է առաջացրել, ապա այդ հարցում ես մեղավոր չեմ: Կարծում եմ՝ մեր ընդդիմությունը, ուզենա թե ոչ, պետք է սովորի առերեսվել իրականությանը:

Ամեն ինչ սկսվեց այն պահից, երբ ես բարձրաձայնեցի, որ Կտրիճ Ներսիսյանը խախտել է կուսակրոնության ուխտը եւ ունի զավակներ: Չգիտես ինչու, ընդդիմությունը դա ընդունեց ագրեսիվ եւ ջղաձգված արձագանքով: Սակայն նույնիսկ անձամբ Կտրիճ Ներսիսյանը մինչ օրս չի հերքել, որ ունի զավակներ: Եթե ինքը չի հերքում այդ փաստը, ապա չեմ հասկանում ինչի համար են ընդդիմադիր գործընկերները պայքարում: Կրկնում եմ՝ ընդդիմությունը պետք է սովորի առերեսվել իրականությանը:

- Գրեթե բոլոր ընդդիմադիրների ելույթների ժամանակ նկատելի է, որ Դուք տեղից արձագանքում եք, երբեմն փոխում եք դեմքի արտահայտությունները: Արդյո՞ք դա շարունակվելու է: Ի վերջո, Ռուբեն Ռուբինյանն էլ կոչ արեց հաշտվել, հար-



գել միմյանց եւ լսել նաեւ ընդդիմության խոսքը:

- Նույն կերպ կարելի է նկատել, որ իմ կամ իմ գործընկերների ելույթների ժամանակ ընդդիմադիր պատգամավորներն էլ են նման արձագանքներ տալիս: Կարծում եմ՝ դա բնական է եւ որեւէ արտառոց երեւույթի տեղիք չի տվել:

- Այսինքն՝ ծեծուցարդի սպասելիք չկա՞: Ես նման բան չեմ կարծում եւ թույլ էլ չեմ տա, որ իրավիճակը հասնի դրան: Բայց կրկնում եմ՝ ընդդիմությունը պետք է բարեկրթության սահմաններում սովորի բանավեճել եւ առերեսվել իրականությանը:

- Պարոն Չախոյան, ինչո՞ւ գործադիրի տեղափոխվեցիք օրենսդիր իշխանություն: Ռո՞ն է Ձեր նպատակը:

- Պատասխանը շատ պարզ է: Նախ՝ որեւէ պաշտոն հավերժական չէ, եւ ոչ մի տեղ գրված չէ, որ ես ցմահ պետք է աշխատեի վարչապետի աշխատակազմում: Վաղ թե ուշ այդ պաշտոնին պետք է հրաժեշտ տայի: Երկրորդ՝ ես լեզիտիմ ընտրությունների արդյունքում ստացել եմ պատգամավորի մանդատ, եւ կարծում եմ, որ պարտավոր եմ ընդունել այդ մանդատը եւ տեղ կանգնել ժողովրդի տված քվեին:

Ջրուցե՛ք՝ ՍՈՆԱ ԳՐԻԳՈՐՅԱՆԸ

ՔԱՂԱՔԱԿԱՆ ՕՐԱԿԱՐԳ

Ո՞Վ ԿԼԻՆԻ ՓՈԽԱՐԻՆՈՂԸ

«Ժողովուրդ» օրաթերթի տեղեկություններով՝ օգոստոսի 11-ին Վեդի համայնքի ավագանին նիստ է հրավիրելու: Մեր աղբյուրների փոխանցմամբ՝ օրակարգի գլխավոր հարցերից մեկը լինելու է համայնքի ղեկավարի ընտրության կամ նշանակման հարցը: Իշխանական շրջանակներից ստացված տեղեկությունների համաձայն՝ քննարկվում է տարբերակ,



ըստ որի՝ համայնքի ղեկավար կարող է ընտրվել գործող ավագանու անդամներից մեկը: Թե ով կլինի թեկնածուն, առայժմ վերջնական որոշում չկա, եւ հարցը դեռ քննարկումների փուլում է:

Հիշեցնենք, որ ներկայումս Վեդի համայնքը համայնքապետ չունի: Գարիկ Սարգսյանը, որը հանրությանը հայտնի դարձավ նաեւ «կոկորդիլոսագետի» մասին իր սկանդալային հայտարարություններով, հրաժարվել է համայնքի ղեկավարի պաշտոնից եւ ստացել Ազգային ժողովի պատգամավորի մանդատը: Այժմ նա զբաղվում է պատգամավորական գործունեությամբ:

Այսպիսով, առաջիկա ավագանու նիստը կարող է վճռորոշ լինել Վեդի համայնքի նոր ղեկավարի ընտրության հարցում:

Ս. Գ.

ՄԻՆՉԵՎ 2027 ԹՎԱԿԱՆԸ ԿԱՎԱՐՏԻ

Ադրբեջանի արտաքին գործերի նախարար Ջեյհուն Բայրամովը երեկ հայտարարել է, որ Բաքուն նախատեսում է մինչեւ 2027 թվականի սկիզբը ավարտին հասցնել դեպի հայ-ադրբեջանական սահման տանող երկաթուղային եւ ավտոճանապարհային ենթակառուցվածքային նախագծերի հիմնական աշխատանքները:

Բաքվում Շվեյցարիայի արտաքին գործերի դաշնային դեպարտամենտի ղեկավար, ԵԱՀԿ գործող նախագահ Իգնացիո Կասիսի հետ համատեղ ասուլիսի ընթացքում Բայրամովը նշել է, որ Ադրբեջանը «բարձր տեմպերով կատարում է ստանձնած պարտավորությունները», իսկ տրանսպորտային նախագծերի իրականացման մակարդակը բավական բարձր է:

Նրա խոսքով՝ աշխատանքներ են իրականացվում հատկապես Նախիջևանի ուղղությամբ: Բայրամովը նշել է, որ Նախիջևանի Ինքնավար Հանրապետությունում առկա է շուրջ 180 կմ երկաթուղային երկաթուղային գիծ, որը մոտ 30 տարի չի շահագործվել եւ վերականգնման համար պահանջում է լրացուցիչ ներդրումներ ու լայնածավալ վերակառուցում:

Ադրբեջանի ԱԳ նախարարը նաեւ անդրադարձել է Թուրքիայի տարածքում իրականացվող Կարս-Իգդիր երկաթուղային նախագծին՝ ընդգծելով, որ դրա շինարարությունն արդեն մեկնարկել է:

Բայրամովի խոսքով՝ այս նախագծերի ավարտը պետք է նպաստի Ադրբեջանի հիմնական տարածքի եւ Նախիջևանի միջեւ տրանսպորտային կապի վերականգնմանը, ինչպես նաեւ նոր հնարավորություններ ստեղծի «Արեւելք-Արեւմուտք» եւ «Միջին Արեւելք» երթուղիների զարգացման համար:

Ս. Վ.



ԱԴՐԲԵՋԱՆԸ ՄԻՋԱՄՏԵԼ Է

Ադրբեջանի նախագահի օգնական Հիքմետ Չաջիեւը հայտարարել է, որ Ադրբեջանը միջամտել է Իսրայելի կողմից Հայոց ցեղասպանության ընդունման գործընթացին: Նրա խոսքով՝ Իսրայելի կողմից այդ փաստի ընդունումը լուրջ մտահոգություն էր առաջացրել Բաքվում: «Քանի որ եղբայրական Թուրքիայի շահերն Ադրբեջանի համար միշտ էլ առաջնային են եղել, այդ հարցը մեզ համար անփոփոխ «կարմիր գիծ» է», - թուրքական Haber Global հեռուստաալիքին հայտարարել է ադրբեջանցի պաշտոնյան:

«Հենց այդ հարցն առաջացավ, պարոն նախագահի (նկատի ունի Ադրբեջանի նախագահ Իլհամ Ալիեւին՝ խմբ.) հանձնարարությամբ Ադրբեջանն սկսեց դիվանագիտական ակտիվ աշխատանք: Մենք իսրայելական կողմին ենք հասցրել մեր դիրքորոշումը. նման որոշման ընդունումը նախադրյալ առարկա էր կլիներ, չէր արտացոլի պատմական իրականությունը, եւ մենք այն անընդունելի ենք համարում», - հայտարարել է Չաջիեւը: Նրա խոսքով՝ Բաքվի համար դրական էր այն փաստը, որ «Իսրայելական կողմը լուրջ է ընդունել Ադրբեջանի մեկնաբանությունը»:

«Մենք կարծում ենք, որ այս հարցի հետագա առաջխաղացումը կանխվել է: Մեր կարծիքով՝ նման քայլը ոչ մի դեպքում չէր արտացոլի պատմական իրականությունը եւ միանգամայն անարդար կլիներ», - շարունակել է նա:

Հաջիեւի պնդմամբ՝ «սեղանի շուրջ, որտեղ չկա Թուրքիան, կա Ադրբեջանը, իսկ որտեղ չկա Ադրբեջանը, կա Թուրքիան»: «Մենք վճռականորեն արձագանքում ենք մեր երկրների շահերի դեմ ուղղված յուրաքանչյուր քայլին ու դա հետագայում եւս անելու ենք», - թեման եզրափակել է ադրբեջանցի պաշտոնյան՝ փաստացի պնդելով, որ Իսրայելը Կնեսետի օրակարգից հանել է Հայոց ցեղասպանության ընդունման օրինագիծը՝ հենց Ադրբեջանի միջամտությունից հետո:

Հաջիեւը խոսել է նաեւ ՀՀ Սահմանադրության փոփոխության գործընթացի մասին: Նրա խոսքով՝ ստացվող ազդակները վկայում են այն մասին, որ Հայաստանում սկսվում է նոր Սահմանադրության ընդունման գործընթացը: «Այն բանից հետո, երբ տարածքային այդ պահանջները դուրս կմղվեն ՀՀ Սահմանադրությունից, Ադրբեջանը խնդիր չի տեսնում վերջնական խաղաղության պայմանագրի ստորագրման համար: Ավելին, մեր տարածաշրջանում փաստացի արդեն առկա է խաղաղ իրավիճակ», - ընդգծել է Չաջիեւը՝ հավելելով, թե ՀՀ Սահմանադրության մեջ «Թուրքիայի նկատմամբ եւս տարածքային պահանջներ կան»:

«Մենք ակնկալում ենք, որ Հայաստանի Սահմանադրությունից կհանվի այն դրույթը, որը նախատեսում է տարածքային պահանջներ Ադրբեջանի եւ Թուրքիայի նկատմամբ», - ասել է նա: «Հայաստանում առաջիկայում կսկսվի նոր Սահմանադրության ընդունման գործընթացը: Հենց այդպիսի ազդանշաններ ենք ստանում: Հնարավոր է հանրաքվե անցկացվի: Հայաստանի Սահմանադրության նախաբանում Ադրբեջանի նկատմամբ տարածքային պահանջները բացառելուց հետո, մենք խոչընդոտ չենք տեսնում վերջնական խաղաղության պայմանագրի ստորագրման համար», - թեման եզրափակել է նա:

«ՄՈՒԼՏԻ ՎԵԼՆԵՍ»

ԴԱՏԱԿԱՆ ԿԱՐԳՈՎ ՎԻՃԱԲԵՐՈՒՄ Է ՈՐՈՇՈՒՄԸ

«Մուլտի Վելնես» կենտրոնը դասական կարգով վիճարկում է Երևանի քաղաքապետարանի որոշումը, որով օրենսդրությանը զրկել էին կառուցադասման իրավունքից, եւ արգելափակեցին անցել էր համայնքին: Այս մասին գրում է «Ազատություն»:

Ըստ դատալեքս տեղեկատվական համակարգի, «Մուլտի Վելնես» ներկայացուցիչը դատարանից խնդրում է անվավեր ճանաչել հունիսի 8-ին Երևան քաղաքապետի կողմից կատարած գործարքը, որով քաղաքապետարանը միակողմանիորեն դադարեցրել է կալանավորված գործարար Գագիկ Ծառուկյանի հետ կնքած պայմանագիրը:

Գագիկ Ծառուկյանի փաստաբանը դատարանից պահանջում է նաեւ անվավեր ճանաչել Կադաստրի որոշումը, որով այս հունիսի 14-ին դադարեցվել է «Մուլտի Վելնես» կառուցապատման իրավունքը եւ գույքն ամբողջությամբ գրանցվել է որպես Երևանի համայնքի սեփականություն: Կադաստրից չեն մեկնաբանում իրենց որոշումը:

Երևանի քաղաքապետարանը շաբաթներ առաջ խզել էր Ծառուկյանի «Մուլտի Ուելնես» վարձակալության պայմանագիրը: Անցած շաբաթավերջին էլ արդեն քաղաքապետ Տիգրան Ավինյանը հայտարարեց՝ այն վերաբացվել է նոր անունով եւ կլինի մայրաքաղաքային իշխանությունների վերահսկողության ներքո: Մինչդեռ, ընկերությունը քաղաքային իշխանության հետ դեռ 2016 թվականի



հողի վարձակալության պայմանագրով այդ հողը կառուցապատման իրավունքով վարձակալել էր մինչեւ 2065 թվականը: Բայց Ավինյանը ծառուկյանից վերցրեց ոչ միայն հողը, այլեւ դրա վրա կառուցված շենքն ու ներսի գույքը:

Քաղաքապետարանից չեն մանրամասնում, թե որո՞նք են այս փոփոխության հիմքերը եւ արդյո՞ք պայմանագրում կան նման դրույթներ: «Ազատությունը» գրավոր հարցում է ուղարկել թե՛ այդ հիմքերի, թե՛ այս պահին համալիրի եկամուտները

տնօրինելու օրինականության, ինչպես նաեւ գործարարին փոխհատուցում տրամադրելու վերաբերյալ:

Գործը մակագրվել է դատավոր Արշակ Պետրոսյանին, Նիստի օրը դեռ հայտնի չէ: Օրենս հաղորդվել էր, որ ապօրինի գույքի բռնագանձման վարույթի շրջանակում պետության կառավարմանն է անցել Ծառուկյանի ընտանիքին պատկանող Երևանի «Արարատ» կոնյակի-գինու-օղու կոմբինատը, Արարատի ցեմենտի գործարանը:

ԲԱՅԱՐԱՅՏՈՒՄ

ՄԵԿ ՄԻԼԻՈՆ ԴԻԱՄԻ ԳՈՂՈՆ

Հունիսի 13-ի առավոտյան ՆԳՆ 112 օպերատիվ կառավարման կենտրոն գանգահարած քաղաքացին հայտնել էր, որ Դավթաշենի իրենց շենքի մոտ կայանված մեքենայից գողացել են դիմացի հատվածի դետալներ: Համայնքային ոստիկանության Դավթաշենի բաժնից մեկնած օպերատիվ խումբը պարզել էր, որ գիշերը ավտոկայանատեղիում հանել-տարել են մեքենայի թափարգելը, լուսարձակները, հովաքսան համակարգի քողարկիչն ու շարժիչի ծածկոցը՝ պատճառելով մոտ մեկ միլիոն դրամի վնաս: Աջափնյակ եւ Դավթաշեն վարչական շրջանների քննչական բաժնում նախաձեռնվել էր քրեական վարույթ, որի շրջանակում համայնքային ոստիկանների ձեռնարկած օպերատիվ-հետախուզական միջոցառումներով պարզվել է, որ գողությունը կատարել է մայրաքաղաքի Մոլդովական փողոցի 36-ամյա բնակիչը: Բացատրական աշխատանքի արդյունքում նա ներկայացել է Համայնքային ոստիկանության Դավթաշենի բաժնի՝ հետը բերելով գողոնը:

Նախաքննությունը շարունակվում է:

ՆԱԿԵՐԱԳԱՐՉՎԻ

Տավուշի մարզի դատախազությունը, պետական շահերի պաշտպանության հայց հարուցելու լիազորության շրջանակում, հայցադիմումներ էր ներկայացրել Հակակոռուպցիոն դատարան՝ ընդդեմ ֆիզիկական երկու անձի՝ «Դիլի-ջան» ազգային պարկի տարածքում

գտնվող՝ 0.5 հա եւ 1.25 հա մակերեսով, 119 միլիոն 600 հազար դրամ շուկայականին մոտարկված կադաստրային արժեքով հողամասերի կառուցապատման իրավունքը հարկադիր դադարեցնելու պահանջներով: Այս մասին հայտնում են դատախազությունից: Հակակոռուպցիոն դատարանի՝ 2026 թվականի հուլիսի 22-ի եւ 24-ի վճիռներով՝ Տավուշի մարզի դատախազության հայցերը բավարարվել են: Վճիռներն օրինական ուժի մեջ մտնելուց հետո, հողամասերի կառուցապատման իրավունքը կդադարեցվի, «Դիլիջան» ազգային պարկի տարածքում գտնվող՝ 0.5 հա եւ 1.25 հա մակերեսով հողատարածքները կվերադարձվեն Հայաստանի Հանրապետության տիրապետմանը:

ՀԱՅՏՆԱԲԵՐՎԵԼ ԵՆ

Հանցավոր դրսեւորումների կանխում հնարավոր օջախների վերահսկողությամբ, ապօրինի զենքերի ու թմրամիջոցների հայտնաբերում՝ թիրախային հակազդմամբ: ՆԳՆ ոստիկանության ծառայողները նույն հետետողականությամբ հանրապետության ողջ տարածքում շարունակում են հատուկ միջոցառումները: Միայն հունիսի 22-ից 31-ը ՆԳՆ ոստիկանության ծառայողները շրջայցեր են իրականացրել տարբեր բնակավայրերի շուրջ երեք տասնյակ հավաքատեղիներում: Թիրախային աշխատանքի արդյունքում Համայնքային ոստիկանության բաժիններ են տեղափոխվել նախկինում դատապարտված եւ հանցավոր հակումներ ունեցող 425 անձ: Հայտնաբերվել եւ բաժիններ են տարվել նաեւ հետախուզման մեջ գտնվող անձինք: Հատուկ միջո-

ցառումների ընթացքում հայտնաբերվել են մարտական եւ զազային ատրճանակներ, հրացաններ, կռիվազենք, դանակներ, տարբեր տեսակի թմրամիջոցներ: ՆԳՆ ոստիկանությունը շարունակելու է օպերատիվ-կանխարգելիչ միջոցառումները՝ հասարակական կարգն ու հանրային անվտանգությունն ապահովելու նպատակով:

ԴԱՏԱԲԱՆ Է ՀԱՆՁՆՎԵԼ

Արմավիրի մարզում, 2026 թվականի 1-ին կիսամյակում, պետական եւ համայնքային շահերի պաշտպանության հայցերով պետությանը եւ համայնքին վերջնական դատական ակտերով վերականգնված գումարի չափը կազմել է 8 միլիոն 440 հազար դրամ: Քրեական վարույթներով, ինչպես նաեւ դատախազական ներգործության միջոցների կիրառմամբ, պետությանը, համայնքին, պետական եւ համայնքային մասնակցությամբ կազմակերպություններին պատճառված վնասի վերականգնված գումարի չափը կազմել է 7 միլիոն 101 հազար դրամ: Արմավիրի մարզի դատախազության կողմից, 2026 թվականի 1-ին կիսամյակում, ծանր հանցագործություններով մեղադրական եզրակացությամբ դատարան է հանձնվել 16 քրեական վարույթ, իսկ առանձնապես ծանր հանցագործություններով՝ 11 քրեական վարույթ: Ծանր հանցագործություններով օրինական ուժի մեջ է մտել 19 մեղադրական դատավճիռ, իսկ առանձնապես ծանր հանցագործություններով՝ 2 մեղադրական դատավճիռ:

ԿԱԼԱՆՔ

1 ԱՄՍՈՎ ԵՐԿԱՐԱՑՎԵԼ Է



Երեկ Հակակոռուպցիոն դատարանի որոշմամբ (դատավոր՝ Լեւոն Պետրոսյան)՝ քննիչի միջնորդությունը բավարարվեց մասնակի, եւ քաղաքապետարանը Արմեն Աշոտյանի նկատմամբ կիրառված տնային կալանքի ժամկետը երկարացվեց 1 ամսով, գրել է փաստաբան Ռուբեն Մելիքյանը:

Աշոտյանը կալանավորվել էր հունիսի հունիսի 5-ին: Հունիսի 7-ին Աշոտյանի կալանքը 1 ամսով երկարաձգվել էր: Հիշեցնենք, որ Քննչական կոմիտեից հայտնել էին, որ 2009-2016-ն ընկած ժամանակահատվածում կրթության եւ գիտության նախարարի պաշտոնը զբաղեցրած Արմեն Աշոտյանը, լիազորված լինելով խթանել կրթության եւ գիտության զարգացմանը, մշակել եւ իրականացնել կրթության եւ գիտության բնագավառներում Հայաստանի Հանրապետության կառավարության քաղաքականությունը, 2008-ի օգոստոսի 20-ից մինչեւ 2014-ի ապրիլի 26-ը ՀՀ ԿԱ պետական եկամուտների կոմիտեի նախագահի, ապա մինչեւ 2016-ի սեպտեմբերի 20-ը ֆինանսների նախարարի պաշտոնները զբաղեցրած Գագիկ Խաչատրյանի եւ վերջինիս որդու՝ Ա.Խ.-ի նյութական օգուտը՝ նրանց կողմից շահեկան պայմաններով, առանց խոչընդոտների, օտարման ոչ ենթակա գույք ձեռք բերելն ապահովելու անձնական շահագրգռվածությունից եւ խմբային շահերից ելնելով, խմբի կազմում ՀՀ «Երեւանի Վ. Բոյուսովի անվան պետական լեզվահասարակագիտական համալսարան» ՊՈԱԿ-ի կառավարման խորհրդի նախագահ Ա.Ս.-ի, նույն ՊՈԱԿ-ի ղեկավար Գ.Գ.-ի, պրոռեկտոր Ա.Ա.-ի, Ա.Խ.-ի, Գ.Խ.-ի, ինչպես նաեւ վերջիններիս հետ փոխկապակցված Հ.Թ.-ի հանցակցությամբ պաշտոնական դիրքն օգտագործել է ծառայության շահերին հակառակ, ինչի հետեւանքով ՀՀ սեփականության ֆոնդից կոռուպցիոն սխեմայի կիրառմամբ դուրս է բերվել Երևան քաղաքի Կենտրոն վարչական շրջանի Պուշկին փողոցի 38/1 շենքի թիվ 59 հասցեում գտնվող 208 մլն 908 հզր 500 դրամ արժեքով առանձնապես խոշոր չափերով 451.1 քառակուսի մետր մակերեսով անշարժ գույքը եւ դրա անբաժանելի մաս համարվող հողամասը եւ ոչ ոսումնական նպատակներով օգտագործելու համար փոխանցվել է բարձրաստիճան պաշտոնատար անձի եւ վերջինիս հետ փոխկապակցված անձի սեփականության ֆոնդ:

● Հունիսի 27-ից օգոստոսի 3-ը մայրաքաղաքում պարեկները հայտնաբերել են ոչ սթափ 183 վարորդ:

4 6 օգոստոսի հինգշաբթի 2026

ՄԱՐԶ

ԱՆՎՃԱՐ ԵՆ ԳԱՐԶՐԵԼ

Օգոստոսի 3-ին, հիմք ընդունելով Դիլիջան համայնքի ղեկավար Դավիթ Սարգսյանի առաջարկությունը, համայնքի ավագանին որոշել է Դիլիջան համայնքի տարածքում գործող բոլոր ուսումնական հաստատություններ հաճախող աշակերտների (աշակերտուհիների) եւ ուսանողների (ուսանողուհիների) ներհամայնքային ուղեւորափոխադրումների վճարների համար կիրառել գրոյական դրույքաչափ: Այդ որոշումն ուժի մեջ է մտնում 2026թ. սեպտեմբերի 1-ից: Համայնքապետ Դավիթ Սարգսյանը շտապել է համայնքապետարանի ինտերնետային կայքում համայնքի բնակիչներին աջքալուսանք անել աշակերտներին եւ ուսանողներին ուղեւորափոխադրումների վճարներից ազատելու մասին: Դիլիջան համայնքի ավագանու հունիսի 23-ի որոշմամբ ավագանու հերթական նիստը նշանակված էր սեպտեմբերի 10-ին, սակայն աշակերտներին եւ ուսանողներին ուղեվարձից ազատելու որոշումը կայացրել են ավագանու արտահերթ՝ օգոստոսի 3-ի նիստով: Ինչո՞ւ այդ որոշումը համայնքի ավագանին 2025թ. վերջին կամ 2026-ի սկզբին չի ընդունել, այլ օգոստոսի 3-ին՝ արտահերթ նիստում: Այդ նիստի օրակարգում ներառել են 8 հարց: Ընդդիմադիր «Ապրելու երկիր» խմբակցության անդամները Դիլիջան համայնքի ավագանու նիստերին չեն մասնակցում: Դիլիջան համայնքի ՔՊ-ական ղեկավար Դավիթ Սարգսյանը ավագանու արտահերթ նիստ է նախաձեռնել, աշակերտների եւ ուսանողների ուղեվարձը անվճար դարձրել, որովհետեւ առաջիկայում տեղի կունենան Դիլիջան համայնքի ավագանու հերթական ընտրություններ, դիլիջանցիների թվեները ՔՊ-ին ու Դավիթ Սարգսյանին շատ են հարկավոր: Ամենայն հավանականությամբ՝ այդ ընտրությունները կնշանակվեն սեպտեմբերի 27-ին: Դիլիջան համայնքում բազում չլուծված հիմնահարցեր կան: Տուրիստական Դիլիջանի շատ փողոցներ անբարեկարգ են, քաղաքում աղբահանությունը վատ է կատարվում, Դիլիջան համայնքում հասարակական զուգարան, գյուղատնտեսական շուկա չկա, միջպետական ավտոճանապարհին կից գտնվող համայնքի աղբավայրը ցանկապատված չէ, այնտեղ շատ հաճախ են հրդեհներ լինում: 2021թ. փետրվարի 26-ին Դիլիջան համայնքի ղեկավարի պաշտոնակատար նշանակված, իր անձնական գործում իր սեռի վերաբերյալ գրառման մեջ իր սեռը «արու» նշած Դավիթ Սարգսյանը անցած 5 տարում հայտնվել է սկանդալների մեջ: Դիլիջանի համայնքապետարանի ինտերնետային կայքի համայնքի ղեկավարի էջում տեղադրված է ՔՊ-ական համայնքապետ Դավիթ Սարգսյանի կենսագրությունը: Այնտեղ նրա կրթության մասին նշված է. «2001-2006 թթ. սովորել է Դիլիջանի պետական թուեջում, ավարտելով այն՝ ստացել է տնտեսագետի եւ հաշվապահական հաշվառման մասնագետի որակավորում, սովորում է Եվրոպական համալսարանի տնտեսագիտական ֆակուլտետում՝ հեռակա»: 1984թ. ծնված Դավիթ Սարգսյանն անցած տարի, 2024-2025 ուսումնական տարում ավարտել է Եվրոպական համալսարանը, դիպլոմ ստացել: Նա իրեն դեռ ուսանող է համարում, որ կենսագրության մեջ ուղղում չի մտցնում:

ՈՍԿԱՆ ՍԱՐԳՍՅԱՆ

ՆՇԱՆԱԿՎԵՑ

Ո՞Վ Է ՄԽԻԹԱՐ ՀԱՅՐԱՊԵՏՅԱՆԻ ՓՈԽԱՐԻՆՈՂԸ

«Ժողովուրդ» օրաթերթի ընթերցողներն արդեն ճեղքակ էին կառավարությունում սղաավող կադրային կարեւորագույն փոփոխության մասին. դեռեւս օգոստոսի 1-ին մենք բացառիկ ճեղքություն էինք հրադարակել այն մասին, որ «Միջազգային ռադիոցանց» ՓԲԸ սֆորեմի ժամանակավոր դաշնակցաւոր Դավիթ Թադեւոսյանը նշանակվելու է ՀՀ բարձր ճեխնոլոգիական արդյունաբերության նախարար՝ փոխարինելով Մխիթար Հայրապետյանին:

Եւ ահա պաշտոնապես հրապարակված որոշումներով մեր լուրն ամբողջությամբ հաստատվեց: Օգոստոսի 3-ին ՀՀ նախագահի հրամանագրով Թադեւոսյանը պաշտոնապես ստանձնեց ԲՏԱ նախարարի պաշտոնը: Հրամանագրում ամրագրված է, որ հիմք ընդունելով վարչապետի առաջարկությունը եւ համաձայն Սահմանադրության 150-րդ հոդվածի ու «Կառավարության կառուցվածքի եւ գործունեության մասին» օրենքի դրույթների, Դավիթ Թադեւոսյանը նշանակվում է բարձր տեխնոլոգիական արդյունաբերության նախարար:

Քանի որ կառավարության կադրային փոփոխություններն ու առանցքային պաշտոնյաների անցած ուղին մշտապես «Ժողովուրդ» օրաթերթի խոշորացույցի տակ են, ապա հետահայաց անդրադարձով առավել մանրամասն ենք ներկայացնում բարձր տեխնոլոգիական ոլորտի նոր ղեկավարի կենսագրությունը: Նրա անձնական մասնագիտական հարթակների, մասնավորապես LinkedIn-ի օգտահաշվի ուսումնասիրությունից պարզ է դառնում, որ Դավիթ Թադեւոսյանը ծնվել է մեծացել է Երեւանում: Նա հաճախել է Երեւանի թիվ 172 միջնակարգ դպրոցը, ընդ որում՝ դպրոցական տարիներին որոշ ժամանակ կրթություն է ստացել նաեւ արտերկրում՝ Ռուսաստանի Վոլգոգրադ քաղաքում եւ ԱՄՆ-ի Այդահո նահանգում: Զուգահեռաբար նա ավարտել է Երեւանի Սարաջեւի անվան երաժշտական դպրոցի դաշնամուրի բաժինը:

Բարձրագույն կրթությունը Նորանշանակ նախարարը սկսել է Հայաստանի ազգային պոլիտեխնիկական համալսարանում, որտեղ 1999-2003 թվականներին ստացել է պետական եւ մոնիցինգայալ կառավարման բակալավրի, իսկ 2003-2005 թվականներին՝ Նույն մասնագիտությամբ մագիստրոսի աստիճան: Ու-



սում ավարտելուց հետո մոտ մեկ տարի նա աշխատել է Երեւանում՝ ինտերնետային տեխնոլոգիաների ոլորտում գործող սկսնակ ընկերությունում, որից հետո որոշել է կրթությունը շարունակել արտերկրում: 2007 թվականի գարնանը նա մեկնել է Չինաստան եւ Պեկինում մասնակցել չինարեն լեզվի ուսումնասիրման մեկամյա ծրագրի: Հետագայում արդեն 2012-2014 թվականներին, Դավիթ Թադեւոսյանը կրթություն է ստացել հեղինակավոր Մասաչուսեթսի տեխնոլոգիական ինստիտուտում (MIT)՝ դառնալով այդ կրթության շրջանավարտ եւ ստանալով ճարտարագիտության եւ կառավարման մագիստրոսի աստիճան (Master of Science in Engineering and Management)՝ համակարգերի նախագծման եւ կառավարման մասնագիտացմամբ:

Անդրադառնալով նրա աշխատանքային փորձին՝ հարկ է նշել, որ Հայաստան վերադառնալով՝ նա 2008 թվականից որպես բիզնես խորհրդատու աշխատանքի է անցել «Գրանթ Թորնթոն Հայաստան» ընկերությունում: Նրա մասնագիտական կենսագրության մի սովորական հատված կապված է եղել «Վալլեքս Մայ-

նինգ» ընկերության հետ, որտեղ նախ զբաղեցրել է վարչակազմի ղեկավարի եւ տեղակալի պաշտոնները, իսկ 2017-2018 թվականներին եղել է ընկերության գլխավոր գործադիր տնօրենի տեղակալը: 2019-2020 թվականներին Թադեւոսյանը եղել է SberSpinoff ընկերության գործառնական գծով փոխնախագահը (VP of Operations), ինչպես նաեւ աշխատել է Լեռնամետալուրգիայի եւ քիմիական տեխնոլոգիաների ինստիտուտում որպես տեխնիկական տնօրեն: Իսկ մինչեւ կառավարության անցնելը եւ վերջերս «Միջազգային ռադիոցանց»-ի ղեկավարումը ստանձնելը, 2024-2025 թվականներին նա զբաղեցրել է Նուբար Աֆեյանի Afeyan Initiatives for Armenia կազմակերպության տնօրենի պաշտոնը:

Հիշեցնենք, որ ի տարբերություն գործադիր մյուս անդամների, որոնք պահպանեցին իրենց պորտֆելները, արդեն նախկին նախարար Մխիթար Հայրապետյանը չվերանշանակվեց, վերջինս Նիկոլ Փաշինյանի հետ տարաձայնություններ էր ունեցել ու հրաժարվել էր վերանշանակվել:

ՍՈՆԱ ԳՐԻԳՈՐՅԱՆ

ԱԿՏԻՎԱՅԵԼ ԵՆ ԽԱՐՈՎԽՈՒԹՅՈՒՆՆԵՐԸ

Վերջին օրանում սոցիալական ցանցերում ակտիվացել են բնակարանների վարձակալության վերաբերյալ խարդախությունները: Այս մասին հայցնում են ՆԳՆ Կիրենոսիկանությունից:

Հանցավորները սոցիալական ցանցերում հրապարակում են գրավիչ լուսանկարներով եւ շուկայականից զգալի ցածր գներով կեղծ հայտարարություններ: Հայտարարությամբ հետաքրքրվելուց հետո նրանք, պատճառաբանելով, որ բնակարանի նկատմամբ մեծ հետաքրքրություն կա, պահանջում են անհապաղ փոխանցել կանխավճար՝ այն «ամրագրելու» նպատակով: Արդյունքում գումարը ստանալուց հետո դադարեց-

նում են կապը, արգելափակում են ձեզ կամ ջնջում իրենց էջը:

Ինչպե՞ս պաշտպանվել

- Երբեք մի փոխանցեք կանխավճար, քանի դեռ անձամբ չեք տեսել բնակարանը եւ չեք համոզվել, որ շփվում եք իրական սեփականատիրոջ կամ անշարժ գույքի գործակալության լիազորված ներկայացուցչի հետ:

- Եթե առաջարկը չափազանց շահավետ է թվում, մեծ է հավանականությունը, որ այն խարդախություն է:

- Ցանկացած վճարում կատարեք միայն գրավոր պայմանագրի կնքումից հետո:

- Ստուգեք այն օգտահաշիվը, որը հրապարակել է հայտարարությունը. վերջերս ստեղծված, քիչ ակտիվություն ունե-

ցող կամ կասկածելի էջերը կարող են օգտագործվել խարդախության նպատակով:

- Հնարավորության դեպքում համոզվեք, որ բնակարանի լուսանկարները չեն օգտագործվել այլ հայտարարություններում կամ կայքերում:

Եթե կասկածում եք, որ դարձել եք խարդախության զոհ՝

Հնարավորինս արագ դիմեք ձեր բանկին, պահպանեք ամբողջ հաղորդագրությունների պատմությունը, փոխանցման անդորրագրերը եւ դեպքին առնչվող այլ տվյալներ, ապա անմիջապես տեղեկացրեք ոստիկանությանը:

Ջգոն եղեք եւ ցանկացած վճարում կատարելուց առաջ մանրակրկիտ ստուգեք առաջարկի իսկությունը:

● Ըստ վիճակագրության՝ մարզերում հուլիսի 27-ից օգոստոսի 3-ը պարեկները հայտնաբերել են ոչ սթափ 313 վարորդ:

ՍՈՑԻԱԼԱԿԱՆ

IDBANK

ՆՈՐ ԲԱՐՏ



IDBank-ի քարտերը համալրվել են նոր Mastercard World քարտով, որը նախատեսված է նրանց համար, ովքեր գնահատում են հարմարավետությունը ոչ միայն առօրյա գնումների, այլև ճանապարհորդությունների ընթացքում:

Նոր քարտի կարտեր առավելություններից են՝

6 անվճար մուտք օդանավայանների բիզնես սրահներ,

Fast Track ծառայությունից 6 անգամ անվճար օգտվելու հնարավորություն, շուրջօրյա կոնսիեթ ծառայություն, 1 ԳԲ ինտերնետ ռուտինգ,

50% զեղչ ճանապարհորդական ապահովագրության համար,

50% զեղչ IDBank-ի պահատուկների վարձակալության համար,

10% idcoin՝ GetTransfer ծառայությունից օգտվելիս:

«Mastercard World քարտը թողարկվում է 33 դրամով, ԱՄՆ դոլարով կամ եվրոյով եւ գործում է 5 տարի: Idram&IDBank հավելվածով կամ IDBanking.am հարթակով այն պատվիրելու դեպքում առաջին տարվա սպասարկման վճարի համար կգործի 20% զեղչ: Մինչև 2026 թվականի օգոստոսի 31-ը նույն զեղչը հասանելի կլինի նաև IDBank-ի մասնաճյուղերում քարտ պատվիրելիս», - նշեց IDBank-ի Պրոդուկտների մշակման վարչության ղեկավար Հասմիկ Ղուկասյանը:

Նոր քարտի թողարկման առիթով՝ հատուկ արշավ

Բանկն ունի նաև անակնկալ՝ քարտի թողարկման առիթով: Մինչև 2026 թվականի հոկտեմբերի 31-ը ներառյալ Mastercard World քարտ պատվիրած յուրաքանչյուր հիմնական քարտապան կստանա 10,000 idcoin՝ քարտի ակտիվացման պահից հետո՝ 10 աշխատանքային օրվա ընթացքում: 10,000 idcoin-ը տրամադրվում է մինչև 2026 թվականի նոյեմբերի 15-ը ակտիվացված քարտերի համար (1 idcoin = 1 AMD):

Բացի այդ, Mastercard World քարտով աշխարհի բոլոր հյուրանոցներում վճարելիս քարտապանները կստանան վճարման գումարի մինչև 25%-ի չափով idcoin, բայց ոչ ավելի քան հանրագումարային առավելագույնը 25 000 idcoin (հարկումից հետո)՝ տվյալ օրացուցային ամսում կատարված վճարումների դիմաց:

Տուրիստական ընկերությունների միջոցով կատարված վճարումները արշավին չեն մասնակցում: Արշավի շրջանակում idcoin տրամադրվում է միայն դրանց տրամադրման պահին գործող քարտերով կատարված գործարքների դիմաց: Եթե idcoin-ի տրամադրման պահին քարտը փակված է, ապա տվյալ քարտով կատարված գործարքների դիմաց idcoin չի հաշվարկվում եւ տրամադրվում: Mastercard World քարտին կից այլ տեսակի քարտերը չեն մասնակցում արշավին եւ դրանցով կատարված գործարքները չեն ներառվում հաշվարկում, բացառությամբ, եթե կից քարտը նույնպես Mastercard World չէ:

Բանկը վերահսկվում է ՀՀ

կենտրոնական բանկի կողմից (Գ)

ԿՈՆՎԵՐՍ ԲԱՆԿ

ԸՆԴՀԱՅՆՈՒՄ ԵՆ ՌԱԶՄՆՎԱՐԱԿԱՆ ՀԱՄԱԳՈՐԾԱԿՑՈՒԹՅՈՒՆԸ

Կոնվերս Բանկն ընդլայնում է համագործակցությունը թվային վճարումների համաեվրոպային առաջատար Visa-ի հետ՝ հայտարարելով գործընկերության նոր փուլի մեկնարկի մասին, որը միջավայր է հաճախորդների փորձառության բարելավմանը եւ լոյալության լուծումների զարգացմանը:

Համագործակցության այս փուլը հատկապես կարելու է Բանկի ռազմավարական զարգացման ներկա փուլում, երբ Կոնվերս Բանկը շարունակաբար զարգացնում է C360 էկոհամակարգը եւ Converse Mobile հավելվածը՝ հաճախորդներին առաջարկելով առավել անհատականացված եւ արժեքավոր փորձառություն:

Համագործակցության նոր փուլի շրջանակում Կոնվերս Բանկին հասանելի կդառնան Visa-ի առաջատար տեխնոլոգիական լուծումները եւ միջազգային փորձառությունը, որոնք հնարավորություն կտան շարունակաբար ընդլայնել C360 էկոհամակարգի հնարավորությունները, զարգացնել լոյալության գործիքները եւ հաճախորդներին առաջարկել հավելյալ արժեք ստեղծող լուծումներ՝ միաժամանակ ընդլայնելով նրանց փոփոխվող կարիքներին համապատասխան նորարարական ծառայությունների հասանելիությունը:

Կոնվերս Բանկի եւ Visa-ի՝ 2002 թվականին մեկնարկած համագործակցությունն այսօր ներառում է նախաձեռնությունների լայն շրջանակ՝ քարտային առաջարկներից եւ միջազգային վճարային ծառայություններից մինչև տեխնոլոգիական նորարարությունների, միջազգային փորձի եւ խորհրդատվական աջակցության կիրառում:

Համագործակցության նոր փուլը նոր հնարավորություններ է ստեղծում զարգացող տեխնոլոգիաների առավել լայն կիրառման համար՝ արտացոլելով բանկային ծառայությունների՝ ավանդական



ֆինանսական շրջանակներից դուրս զարգացումը: Visa-ի տեխնոլոգիական լուծումների եւ միջազգային փորձի կիրառմամբ Բանկը նպատակ ունի շարունակաբար ամրապնդել իր թվային հնարավորությունները եւ հաճախորդներին առաջարկել նորարարական ու նրանց կարիքներին միտված փորձառություն:

Այս համատեքստում Բանկը ռազմավարական առաջնահերթություն է համարում նաև Visa Consulting & Analytics ծառայությունների շարունակական կիրառումը: Visa-ի միջազգային փորձի եւ լավագույն փորձառությունների հիման

վրա Կոնվերս Բանկն արդեն կատարելագործել է Converse Mobile հավելվածում առցանց նույնականացման, հաճախորդների գրանցման եւ հաշվի բացման գործընթացները: Համագործակցությունը նաև նպաստել է C360 հարթակի միջոցով հաճախորդների կարիքների եւ վարքագծի վերլուծության հնարավորությունների ընդլայնմանը՝ հնարավորություն տալով առաջարկել առավել հասցեական եւ անհատականացված լուծումներ:

Կոնվերս Բանկը վերահսկվում է ՀՀ ԿԲ կողմից

ԲԱՆԿԵՐ

MOODY'S-Ը ԲԱՐՁՐԱՑՐԵԼ Է ՀԵՌԱՆԿԱՐԸ

Միջազգային հեղինակավոր Moody's վարկանիշային գործակալությունը, Հայաստանի սուվերեն վարկանիշի հեռանկարի բարձրացմանը զուգահեռ, Ակբա բանկի երկարաժամկետ ավանդների եւ թողարկողի Ba3 վարկանիշների հեռանկարը կայունից փոխել է դրականի:

Այս վարկանիշը հավասար է Հայաստանի Հանրապետության վարկանիշին եւ ներկայումս Moody's-ի կողմից Հայաստանում տրվող հնարավոր ամենաբարձր մակարդակն է:



Գնահատականը բանկին շնորհվել է՝ հաշվի առնելով ակտիվների բարձր որակը, կապիտալի ամուր բուֆերը, ինչպես նաև վճարունակության եւ իրացվելիության բարձր ցուցանիշները:

Moody's-ը նաև ընդգծում է Ակբա բանկի համակարգային նշանակությունը Հայաստանի ֆինանսական շուկայում, քանի որ բանկն ակտիվների ծավալով շարունակում է մնալ երկրի երեք խոշորագույն բանկերից մեկը:

Բանկը վերահսկվում է ՀՀ ԿԲ կողմից

ԿԱՅԱՑԵԼ Է ՀԱՄԱԺՈՂՈՎ

Ֆասթ Բանկի աջակցությամբ օրերս կայացել է Հայկական բժշկական ասոցիացիայի հերթական համաժողովը, որը մեկ հարկի տակ էր համախմբել բժշկության տարբեր ոլորտների առաջատար մասնագետների: Համաժողովը նվիրված էր մետաբոլիկ համախտանիշի կանխարգելման, վաղ հայտնաբերման, ախտորոշման եւ կառավարման ժամանակակից մոտեցումներին: Ոլորտի մասնագետների քննարկման առանցքում բժշկական տարբեր մասնագետների միջև համագործակցության կարելիությունն էր:

Ֆասթ Բանկի եւ Հայկական բժշկական ասոցիացիայի գործակցության շրջանակներում կայացել է նաև ալերգիկ հիվանդությունների, իմունային համակարգի խանգարումների թեմայով համաժողով: Բանկի կողմից նման առողջապահական եւ կրթական նախաձեռնությունների աջակցությունը նպաստում է մասնագիտական երկխոսության ընդլայնմանը, ժամանակակից բժշկական գիտելիքի տարածմանն ու առողջապահության ոլորտի կայուն զարգացմանը:

Ֆասթ Բանկը թվային բանկ դառնալուն միտված ընկերություն է, որը ներկայացված է Երեւանում եւ Հայաստանի բոլոր մարզերում:

Ֆասթ Բանկը վերահսկվում է ՀՀ կենտրոնական բանկի կողմից



● «Տողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՈՐՈՇՈՒՄ

ՀՐԱՄԱՅՎԵԼ Է ՀԵՌՈՒ ՄՆԱԼ

Գասարանը մեծական դաժնությունների շարքում է կայացրել 40-ամյա Քայլ Ռոբերտ ԴեՎիլի դեմ, ով զանազան ծառայողական հետապնդում է հայտնի ընտանիքի անդամներին: Որոշումը ուժի մեջ է երեք շաբաթից և լրանում է 2029 թվականի հուլիսի 31-ին:

Դատական փաստաթղթերի համաձայն՝ ԴեՎիլի մոլուցքը Քայլի Ջենների նկատմամբ սկսվել է 2021 թվականին: Նա բազմիցս փորձել է ներխուժել աստղի տուն, մինչև երկրորդ փորձի ժամանակ ձերբակալվել է ապօրինի մուտք գործելու համար (հինգ անհաջող այցելություններից հետո):

Քրիս Ջենների խոսքով՝ հետապնդողը պատկերացրել է, որ նա իրեն հաղորդագրություններ է ուղարկում՝ հաստատելով Քայլի նկատմամբ իր զգացմունքները եւ կոչ անելով ամուսնության առաջարկ անել: Քրիսը կտրականապես հերքել է մեղադրյալի հետ ցանկացած շփում ընդգծելով, որ երբեք անծանոթի չէր ուղարկի իր դատեր տուն:

Վերջին ամիսներին իրավիճակը սրվել է: Քրիս Ջենների խոսքով՝ ԴեՎիլը կրկին փորձել է մոտենալ ընտանիքին:

Նա կապ է հաստատել անշարժ գույքի գործակալների հետ՝ փորձելով գնել կամ դիտել Քարդաշյան-Ջեններ տների մոտ գտնվող անշարժ գույքը:

Տղամարդուն հաջողվել է ներխուժել փակ տարածք եւ դիտել ընտանիքի սեփականությունից ընդամենը մեկ մղոն հե-



ռավորության վրա գտնվող տունը (մասնավոր անվտանգության ծառայության տնօրենի խոսքով՝ սա Քիմ Քարդաշյանի հարեանությունը գտնվող տունն էր, որը նախկինում պատկանում էր Քանյե Ուեսթին): Անշարժ գույքի գործակալների կասկածները հարուցվել են նաեւ ԴեՎիլի կողմից Քայլի վաճառվող տունը գնելու փորձի ժամանակ ներկայացված կեղծ փաստաթղթով, որը հաստատում է դրամական միջոցների առկայությունը:

Դատարանը այժմ խիստ սահմանափակումներ է կիրառել: Քայլ Ռոբերտ ԴեՎիլը պարտավոր է.

պահպանել առնվազն 90 մետր հեռավորություն Քրիսից, Քայլից, Քենդալից, Քիմից, Քորթնիից, Զոնիից եւ Ռոբերտ Քարդաշյաններից:

Չեղծվելու կամ նրանց հասցեները ստանալու ցանկացած փորձից: Ուստի լուրջ մտահոգություններ է հայտնել տղամարդու անկանոն վարքագծի, Կոլորադոյից Կալիֆոռնիա նրա ճանապարհորդությունների եւ նրա խնդրահարույց անցյալի վերաբերյալ (անվտանգության աշխատակիցները հայտնել են, որ նա նախկինում մեղադրվել է հարձակման մեջ):

ԼՈՒՐԵՐ

ՀԱՆԳԻՊՈՒՄԸ ԿԱՅԱՑԵԼ Է

Երեւանում օգոստոսի 4-ին կայացել է ԱՆԻի պատմական կամրջի վերականգնման հարցերով Հայաստան-Թուրքիա համատեղ աշխատանքային խմբի երկրորդ հանդիպումը:

Հանդիպման ընթացքում կողմերն ընդգծել են ԱՆԻի պատմական կամրջի համատեղ վերականգնման մասին 2026թ. մայիսի 4-ին Երեւանում ստորագրված արձանագրության կարեւորությունը: Կողմերը պայմանավորվել են շարունակել ստորագրված արձանագրության շուտափույթ իրականացման ուղղված ջանքերը:

Հայաստանը եւ Թուրքիան Երեւանում Եվրոպական քաղաքական համայնքի 8-րդ գագաթնաժողովի շրջանակում մայիսի 4-ին ստորագրել էին ԱՆԻի կամրջի վերականգնման վերաբերյալ փոխըմբռնման հուշագիր: Հուշագրի ստորագրման արարողությունը տեղի է ունեցել ԱՆԻի կամրջի վերականգնման հարցով աշխատանքային խմբի առաջին հանդիպման շրջանակներում:

ՆՈՐ ԲԱՑԱՀԱՅՏՈՒՄ ՀԻՆ ԽՆՁՈՐԵՄԿՈՒՄ

«Պատմամշակութային արգելոց-թանգարանների եւ պատմական միջավայրի պահպանության ծառայություն» ՊՈԱԿ-ի ֆինանսավորմամբ «Հին Խնձորենկ» պատմամշակութային արգելոցի Անապատ եկեղեցու տարածքում իրականացվող պեղումները շարունակվում են: Այս մասին տեղեկացնում են ԿԳՄՍ նախարարության «Պահպանության ծառայություն» ՊՈԱԿ-ից: «Անապատ եկեղեցու հյուսիսա-

յին պատի տակ իրականացված մաքրման աշխատանքների արդյունքում լիարժեք տեսանելի է դարձել 1748-1749 թվականներին թվագրվող տապանաքարը, որը պատկանում է Դրաբեկի որդի Սարգիսին:

Պեղումները կշարունակվեն մինչև օգոստոսի 31-ը եւ նպատակ ունեն նաեւ հստակեցնել հուշարձանի վերականգնման նախագիծը», - նշված է հաղորդագրության մեջ:

ԻՆՉ ՓՈՒԼՈՒՄ Է ԱՐՁԱՆԻ ԿԱՌՈՒՑՈՒՄԸ

Գագիկ Ծառուկյանի նախաձեռնությամբ եւ հովանավորությամբ Հատիս Լեռն գագաթին կառուցվող Հիսուս Քրիստոսի հուշարձանային համալիրի աշխատանքները շարունակվում են՝ անկախ նրա կալանավորումից:

Հիշեցնենք, որ Գագիկ Ծառուկյանն այս պահին կալանավորված է: Նրա քաղաքական թիմակիցներն ու ընդդիմադիր մի շարք գործիչներ պնդում են, որ կալանավորումն անհիմն է եւ կրում է քաղաքական


հետապնդման բնույթ: Մինչդեռ իրավապահ մարմինները գործի շրջանակում ներկայացրել են իրենց մեղադրանքները, իսկ հարցը շարունակում է մնալ հանրային եւ քաղաքական քննարկումների կենտրոնում:

Այս ֆոնին ArmLur.am-ը տեղեկացավ, որ Հատիս Լեռն գագաթին իրականացվող շինարարական աշխատանքները չեն դադարեցվել: Մեր տեղեկություններով՝ աշխատանքներն ընթանում են նախատեսված ժամանակացույցի համաձայն:

Ավելին, ArmLur.am-ի աղբյուրների փոխանցմամբ՝ արդեն պատվիրված է նաեւ Նոյյան տապանի կրկնօրինակը, որը նախատեսվում է տեղադրել Հիսուս Քրիստոսի արձանի հարեանությամբ՝ որպես համալիրի կարեւոր քաղաքիչներից մեկը:

Մեր տեղեկություններով՝ Նոյյան տապանի կրկնօրինակը հնարավոր է պատրաստ լինի մինչև 2026 թվականի ավարտը, իսկ ամբողջ հուշարձանային համալիրի շինարարական եւ բարեկարգման աշխատանքները նախատեսվում է ավարտել 2027 թվականին:

ՆԱՆԻԿ ԱՂԱՍՅԱՆ



● Արամ Խաչատրյանի համերգասրահում օգոստոսի 6-ին՝ ժամը 21:00-ին, կկայանա «Մալխաս ջազ թենդը տանիքում»:

ՄԱՐԶԱԿԱՆ

ՄԿԱՆԴԱԼ

Ֆրանսիական մամուլում բռնկված Նոր սկանդալը ստվեր է գցում 1998 թվականի աշխարհի առաջնությունում Ֆրանսիայի հավաքականի պատմական հաղթանակի վրա: Ֆրանսիայի նախկին սպորտի նախարար Մարի-ժորժ Բյուֆեն խոստովանել է, որ 1998 թվականի տնային մրցաշարից առաջ գերատեսչությունը դադարեցրել է ազգային հավաքականի ֆուտբոլիստների արտապահային դոպինգ-ստուգումները, գրում է armsport-ը: Այս աղմկահարույց բացահայտումն արվել է Մադրիդի «Ռեալի» եւ Ֆրանսիայի հավաքականի լեգենդար նախկին ֆուտբոլիստ Զինեդին Զիդանի մասին պատմող վավերագրական ֆիլմում: Ֆիլմում նախկին դոպինգ-տեսուչ Ալեն Գարնիեն պատմել է 1997 թվականին՝ աշխարհի առաջնությունից յոթ ամիս առաջ, Տիեզեր կայացած ուսումնամարզական հավաքի ժամանակ տեղի ունեցած միջադեպի մասին: Այն ժամանակ սպորտի նախարարության բժիշկ Գարնիեն նախաձեռնել էր անակնկալ ստուգում, սակայն ֆուտբոլիստները ստիպել էին նրան սպասել մի քանի ժամ: Ի վերջո, հանձնված թեստերը բացասական արդյունք էին տվել:

«Շաբաթվա սկզբին, երբ հանգստյան օրերից հետո եկա նախարարություն, Մարի-ժորժ Բյուֆեն ինձ հաստատեց, որ մինչև աշխարհի առաջնությունը ես այլևս չպետք է անհանգստացնեմ Ֆրանսիայի հավաքականին: Այլ կերպ ասած՝ ոչ մի հանկարծակի ստուգում: Ես խնդրեցի դա ձեւակերպել գրավոր: Նա միայն ժպտաց, եւ ես միանգամից հասկացա, որ նման կարգադրություն թղթի վրա երբեք չեմ ստանա: Հենց այդ ժամանակ նա ինձ ասաց. «Եթե դա ձեզ չի գոհացնում, դիմեք Մատիյոն» (Ֆրանսիայի վարչապետի նստավայրը)»,- Գարնիեի խոսքերը մեջբերում է RMC Sport-ը: 1997-2002 թվականներին սպորտի նախարարի պաշտոնը զբաղեցրած Բյուֆեն, որը նախկինում հերքում էր բոլոր նմանատիպ մեղադրանքները, այժմ հաստատել է Գարնիեի խոսքերը: «Եթե դոկտոր Գարնիեն այդպես է ասում, ուրեմն դա ճշմարտություն է: Նա ազնիվ մարդ է: Մենք դա հենց այդպես չէինք ձեւակերպել, բայց էությունն այն էր, որ դա նահանջ էր: Աշխարհի առաջնությունից հետո մենք կրկին վերադարձանք դոպինգի դեմ պայքարին: Ցուցումը, հավանաբար, մեզ էր փոխանցվել նախարարությունների ապարատների միջոցով, բայց այն անձամբ վարչապետից չէր գալիս (այդ ժամանակ պաշտոնը զբաղեցնում էր Լիոնել ժոսպենը)»:

Հիշեցնենք, որ 1998թ. աշխարհի առաջնության եզրափակչում ֆրանսիացիները 3-0 հաշվով ջախջախեցին Բրազիլիայի հավաքականին: Մրցաշարի հաղթող դարձած Ֆրանսիայի հավաքականի վերջնական հայտացուցակում ընդգրկված էին հետեւյալ ֆուտբոլիստները:

Դարպասապահներ՝ Ֆաբիեն Բարտեզ, Բեռնար Լամա, Լիոնել Ծարբոնիե Պաշտպաններ՝ Լորան Բլան, Մարսել Դեսայի, Լիլիան Տյուրամ, Բիքսանտ Լիգարազյու, Ֆրանկ Լեբյոն, Վենսան Կանդելա

Կիսապաշտպաններ՝ Քրիստիան Կարամբյո, Դիդիե Դեշամ, Զինեդին Զիդան, Պատրիկ Վիերա, Յուրի Զորկաեֆ, Էմանուել Պետի, Ալեն Պոդոյան, Ռոբեր Պիրես

Հարձակվողներ՝ Տիերի Մուրի, Դավիդ Տրեպեպե, Քրիստոֆ Դյուգարի, Ստեֆան Գիվարո, Բեռնար Դիոմեդ:



ԿԱՐԳ

ՀԱՐՑ. Ո՞ւր դիմել, եթե վարկային դասնությունը սխալ է կամ առկա է բողոք բյուրոյի հանդեպ:

Սուրեն Կիրակոսյան, 65 տարեկան



ՊԱՏԱՍԽԱՆ. Եթե վարկառուի վարկային պատմության մեջ առկա են սխալ կամ թերի տվյալներ, ապա պարզաբանման եւ ուղղման նպատակով վարկառուն՝ համաձայն «Վարկային տեղեկատվության շրջանառության եւ վարկային բյուրոների գործունեության մասին» ՀՀ օրենքի 20-րդ հոդվածի դրույթների, կարող է այդ մասին տեղեկացնել վարկային բյուրոյին կամ ուղղակիորեն դիմել տեղեկատվություն տրամադրող սուբյեկտներին (վարկային տեղեկատվության աղբյուրին): Տեղեկացումը կարող է իրականացվել համապատասխան գրավոր դիմում վարկային բյուրոյին ներկայացնելու միջոցով կամ էլեկտրոնային եղանակով՝ առցանց ռեժիմում Իմ ԱԲՌԱ անձնական գրասենյակից: ԱԲՌԱ-ի կողմից տրամադրված վարկային զեկույցների վերաբերյալ հաճախորդների բողոքների ընդունման/ստացման, քննարկման եւ վերջիններիս արձագանքման գործընթացը, գործողությունների հաջորդականությունը սահմանվում է «ԱԲՌԱ Զրեդիտ Ռեփորթինգ» ՓԲԸ-ի «Վեճերի լուծման ընթացակարգ»-ով:

ԱԲՌԱ Զրեդիտ Ռեփորթինգ

ՀԱՍԱՐԱԿՈՒԹՅՈՒՆ

ՀԱՐՑ. Արդյո՞ւմ առկա են հանրային կամ հանրային ծառայության դասեռն գրադեցնող անձանց կողմից նվերներ ստանալու հետ կապված սահմանափակումներ: Ի՞նչ իրավական ակտով են դրանք սահմանվում:

Դավիթ Սահակյան, 57 տարեկան



ՊԱՏԱՍԽԱՆ. Նվերների ընդունման սահմանափակումների ինստիտուտը բարեվարքության համակարգի առանցքային բաղադրիչներից է, որը, ինչպես եւ մյուս տարրերը, նպատակ ունի կանխելու հնարավոր շահերի բախման իրավիճակների առաջացումը եւ պաշտոնական պարտականությունների նկատմամբ ազդեցությունը: Նվերների ընդունման սահմանափակումները նախատեսված են «Հանրային ծառայության մասին» օրենքով, որը կարգավորում է թույլատրելի նվերների ստացման, հաշվառման, հանձնման հետ կապված հարաբերությունները եւ նախատեսում արգելք՝ ոչ թույլատրելի՝ պաշտոնական պարտականությունների իրականացման հետ կապված նվերների ստացման դեպքերի համար: Կոռուպցիայի կանխարգելման հանձնաժողովն, իր հերթին, լիազորված է հետեւելու նվերների ընդունման սահմանափակումների պահպանմանը եւ նվերների հաշվառման գործընթացը համակարգելուն:

Կոռուպցիայի կանխարգելման հանձնաժողով

ԼՈՒՐ ԿԱԴՐ

Լուսանկարը՝ Գագիկ Շամշյանի



Խոշոր ավտովթար Գեղարքունիքի մարզում. բախվել են ռուսական համարանիշներով 2 «Kia»-ներն ու «Lada»-ն. կան վիրավորներ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայփոստ» ՊԲԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրության (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝

Ազգանուն՝

Առաքման հասցե՝

Բջջային եւ/կամ քաղաքային հեռախոս՝

ԵՂԱՆԱԿԻ ՏԵՍՈՒԹՅՈՒՆ



	Շիրակ	+ 10 + 15 + 25 + 29
	Կոտայքի լեռներ	+ 11 + 15 + 24 + 29
	Կոտայքի նախալեռներ	+ 18 + 21 + 31 + 34
	Գեղարքունիք	+ 10 + 15 + 22 + 27
	Լոռի	+ 15 + 20 + 23 + 26
	Տավուշ	+ 15 + 18 + 24 + 26
	Արագածոտնի լեռներ	+ 10 + 15 + 24 + 27
	Արագածոտնի նախալեռներ	+ 19 + 24 + 31 + 36

	Արարատ	+ 19 + 23 + 34 + 36
	Արմավիր	+ 21 + 24 + 34 + 36
	Վայոց ձորի լեռներ	+ 10 + 15 + 24 + 28
	Վայոց ձորի նախալեռներ	+ 20 + 24 + 34 + 36
	Սյունիքի լեռներ	+ 10 + 14 + 20 + 23
	Սյունիքի նախալեռներ	+ 11 + 15 + 27 + 29
	Սյունիքի հովիտներ	+ 18 + 22 + 33 + 36
	Երեւան	+ 21 + 23 + 34 + 36

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 05.08.2026
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: